

sbh na h-àitheanta sin uile a labhair an Tighearna re Maois,

23 *Eadhon* gach *ni* a dh'aithn an Tighearna dhuibh le làimh Mhaois, o'n là sin anns an d'thug an Tighearn àithne do *Mhaois*, agus o sin suas air feadh bhur ginealach:

24 'An sin tarlaidh, ma rinn-eadh *ni sam bith* ann an aineolas gu'n fhios do'n cho'-chruinneach, gu'n d' thoir an co'-chruinneach uile seachad aon tarbh èg a chum iobairt-loisgte, chum faile cùbhraidh do'n Tighearna, maille r'a thabhartas-bidh agus a thabhartas-dìbhe, a réir a'ghnàtha, agus aon mheann do na gabhraibh chum iobairt-pheacaidh.

25 Agus ni an sagart réite air son co'-chruinnich chloinn Israeil uile, agus mathar dhoibh e, oir *is* aineolas a t'ann: agus bheir iad leo an tabhartas, iobairt a bheirear suas le teine do'n Tighearna, agus an iobairt-pheacaidh 'an làthair an Tighearna, air son an aineolais.

26 Agus mathar e do cho'-chruinneach chloinn Israeil uile, agus do'n choigreach a ta air chuairt 'nam measg; do bhrì' gu'n robh an sluagh uile ann an aineolas.

27 Agus ma, pheacaicheas anam sam bith tre aineolas, 'an sin bheir e leis gabhar do'n cheud bhliadhna chum iobairt-pheacaidh.

28 Agus ni 'n sagart réite air son an anma a pheacaicheas gu h-aineolach, an uair a pheacaicheas e le h-aineolas 'an làthair an Tighearna, dheanamh réi-

te air a shon; agus mathar dha e.

29 Bithidh aon lagh agaibh air a shonfan a pheacaicheas tre aineolas, *araon* air a shonfan a rugadh am measg chloinn Israeil, agus air son a' choigrich a ta air chuairt 'nam measg.

30 Ach an t-anam a ni bheag gu h-andana ^a, (*co dhiubh* a rugadh e 'fan tìr, no 's coigreach e) tha efan a' toirt eas-urraim do'n Tighearna; agus gearrar an t-anam sin as o mheasg a shluaigh.

31 Do bhrì' gu'n d'rinn e tàir air focal an Tighearna, agus gu'n do bhris e àithne; gearrar an t-anam sin as gu tur: *bithidh* aingidheachd air féin.

32 Agus an uair a bha clann Israeil 'fan fhàfach, fhuair iad duine a' tional mhaidean ^b air là na fàbaid.

33 Agus thug iadsan a fhuair e tional mhaidean a dh'ionnfuidh Mhaois e, agus a dh'ionnfuidh Aaroin, agus a dh'ionnfuidh a' cho'-chruinnich uile.

34 Agus chuir iad 'an làimh e, a chionn nach d'innseadh ciod bu chòir a dheanamh ris.

35 Agus thubhairt an Tighearna re Maois, Cuirear an duine gu cinnteach gu bàs; clachaidh an co'-chruinneach uile e le clachaibh an taobh a muigh do'n champa.

36 Agus thug an co'-chruinneach uile mach e as a' champa, agus chlach iad e le clachaibh, agus fhuair e bàs; mar a dh'aithn an Tighearna do Mhaois.

37 Agus labhair an Tighearna re Maois, ag ràdh,

38 Labhair

^a le làimh aird. *Eabh.* ^b fiodha, connaidh.